

WIR KÖNIG VON

Gottes Gnaden Erwählter Römischer Kaiser zu allen Zeiten Mehrer des Reichs / in Germanien / zu Hungarn / Böhaimb / Dalmatien / Croatien / vnd Slavonien / 2c. König / Erz-Hertzog zu Oesterreich / Hertzog zu Burgund / Steyer / Kärnten / Crain / vnd Württemberg / Graff zu Tyrol / 2c. Bekennen öffentlich mit diesem Brieff / vnd thun kund allermänniglich / daß Uns Unser getreuer lieber Michael Kieger Buchhandler allhier in Unser Stadt Wienn / in Vnterthänigkeit zuvernehmen geben hat / was gestalten er das wienland IOANNIS BAPTISTÆ GALIBERTI Neapolitanischen Graffens von der Reit-Kunst hiebevorn Wallisch außgangene / hernach vnter dem Titul Neugebahnter Zummelplatz vnd eröffnete Reit-Schul / in die Teusche Sprach übersetztes / von Uns schon den vier vnd zwanzigsten May / Anno Sechshundert vnd Sechzig auff zehen Jahr privilegirtes / vnd in öffentlichen Druck gebrachtes Buch / weilen die Exemplaria solchen Wercks in grosser Anzahl / sowol inner- als außershalb Lands distrahirt vnd abgangen seyen / nit allein von neuem herauszugeben / sondern noch darzue die Bestütt-Ordnung / vnd gründliche Einzaumung / wie auch der Pferde Cur vnd Arzney / sambt darzugehörigen Figuren bezufügen / vnd wiederumb auff seinen Verlag / denen Liebhabern der Reit-Kunst zu Ehren vnd nützlichem Gebrauch / in offenen Druck zugeben vorhabens wäre / mit vnterthänigster Bitt / daß Wir ihme zu solchem End / vnd damit von niemand solches Buch innerhalb den nächsten zehen Jahren ihme nachgedruckt werde / Unser Kaiserliches Privilegium impressorium zuertheilen gnädigst geruhen wolten.

Wann Wir dann gnädiglich angesehen jetzt angedeutte ganz billiche Bitt / die darzue anwendende Kosten / vnd den darauff verspürenden guten Nutzen. So haben Wir ihme Supplicanten die Gnad gethan / vnd Freyheit gegeben / thuen auch solches hiemit in Krafft dieses Brieffs also vnd der Gestalt / daß er Michael Kieger obbenantes Buch mit